

II - ARABAKO LURRALDE HISTORIKOAREN TOKI ADMINISTRAZIOA

LEGUTIOKO UDALA

Irabazteko xederik gabeko kirol elkarteentzako 2022rako dirulaguntzen deialdiaren oinarriak eta dirulaguntzak ematea

1. Deialdiaren xedea.

Behar den bezala legeztaturik dauden elkarte eta klubek udalerriaren esparruan sustatutako edo udalerrirako interesgarriak izan daitezkeen 2022rako kirol jarduerak eragindako gastuak finantzatzen laguntzea, aurrekontuaren mugen barruan.

Bazter utzitakoak.

Ehiza eta zikloturismoa dirulaguntza lerro honetatik kanpo geratzen dira, kontuan hartuta kirol mota horien egitura eta berekin dakarten jardunaren ezaugarriak.

2. Onuradunak.

Irabazteko xederik gabeko elkarte eta klubak izan ahalko dira dirulaguntza hauen onuradunak, baldin eta sozietatearen egoitza Legutition badaukate eta legeak ezarritakoaren arabera eratu eta erregistratu badira. Kanpoan geratzen dira 2022rako udal honen dirulaguntza izendunen bat eskuratu duten elkarteak eta klubak.

— Ezin izango dira dirulaguntzen onuradun izan Dirulaguntzei buruzko Lege Orokorraren 13. artikuluan ezarritako egoeraren batean dauden eskatzaileak.

— Ezin izango dira dirulaguntzen onuradun izan 2022rako erantzukizun zibileko aseguruak kontratatuta ez duten eskatzaileak.

— Ezin izango dira dirulaguntzen onuradun izan gutxienez 12 bazkide ez dituzten klub edo elkarte eskatzaileak.

3. Dirulaguntza jaso dezaketen jarduerak.

Kirol klub edo elkarteek egoitza duten herri edo udalerriko bizilagunentzat 2022an egiteko egutegi espezifiko batekin proposatutako kirol programetako jarduerak antolatzeak dakartzan gastuak; hor sartzen dira federazioen fitxak, arbitrajeak, berariazko materiala (baloiak, pilotak, ekipamendua etab.), eta ikastetxeetako kirol eskolen kasuan, kirol monitorearen gastua. Kirol monitorearen gastuaren kasuan, udalak diruz laguntzeko modukotzat jotzen du orduko 35,00 euroko gehieneko prezioa, kontzeptu guztiak barne (garraioa, zuzeneko zergak eta zeharkako zergak, etab.). Hau da, begiralearen gastuak orduko prezio hori gainditzen badu, gastu hori ez da diruz laguntzeko moduko gastutzat hartuko.

Ez dira diruz lagunduko (hots, diruz lagundutako gastuen kalkulutik aparte egongo dira) jatekoarekin, edatekoarekin eta garraioarekin (entrenamenduetara edo kirol probetara joateko garraioa) loturiko gastuak. Horrez gain, ez dira diruz lagunduko Legutioko Udaleko Kultura eta Kirol Batzordeak diruz ez laguntzea erabakitzen duen gastu guztiak.

4. Aurrekontuko kreditua.

Irabazteko xederik gabeko kirol klub eta elkarteentzako dirulaguntzetarako 341.481.010 aurrekontu aplikazioa jasotzen du Legutioko Udalaren aurrekontuak.

Programa honen bidez deitutako laguntzen zenbatekoa 12.000,00 euro da 2022ko ekitaldirako.

5. Dirulaguntzen izaera.

Dirulaguntzak ematea borondatezkoa izango da; hortaz, ez da inolako betebeharririk izango deialdi honetako oinarriak betetzen dituzten eskaera guztiei dirulaguntza emateko.

6. Dirulaguntza emateko prozedura.

Dirulaguntzak emateko prozedura norgehiagoka izango da, eta, horretarako, eskabideak alderatu egingo dira, betiere Dirulaguntzei buruzko azaroaren 17ko 38/2003 Lege Orokorrean adierazitako printzipio hauek bermatuta: publizitatea, lehia, gardentasuna, objektibotasuna, berdintasuna eta diskriminaziorik eza, eraginkortasuna eta efizientzia.

7. Dirulaguntzak emateko irizpideak.

Hauek izango dira dirulaguntzak emateko balioespen irizpideak:

a) Zer interes publiko edo sozial duen jarduera proiektuak edo programak, baita zer interes duten ezarritako helburuek ere.

b) Udalerriko herrietan eragina duten eta bertako kultura eta kirol jarduerak sustatzen dituzten proiektu edo jarduerak izatea.

c) Entitate eskatzailearen egonkortasuna eta kaudimena, eta aurkeztutako programaren jarraitutasuna.

d) Erakunde sustatzailekoak ez diren pertsonak kideek parte hartuko luketen baldintza bere-tan parte hartzea proiektuaren edo programaren xede diren jardueretan.

e) Programa dirulaguntzaren bitartez gauzatzea bermatzeko aurkezten diren baliabideak (azpiegitura, materialak eta baliabide pertsonalak).

f) Programa edo jarduerak euskararen zabalkundean laguntzea.

g) Kontuan hartuko da eskatutakoak erakunde eskatzailearen diru baliabideekin duen proportzionaltasuna.

h) Diruz lagundu beharreko zenbatekoa ehuneko 1 areagotuko da diruz lagundutako jardue-rek emakumeen eta gizonen arteko berdintasuna sustatzen badute.

8. Dirulaguntzen zenbatekoa.

Dirulaguntzak programaren kostuaren eta haren zati bat finantzatzeko dauden baliabideen arabera izango dira. Garrantzitsua da eta kontuan hartuko da sustatzaileak baliabide pro-pioak sortu ahal izatea edo baliabideak beste administrazio publiko batzuen bitartez lortu ahal izatea.

Dirulaguntzen zenbateko osoa 2022rako kontsignatutako aurrekontu mugen arabera izango da.

Gehienez ere, sortutako gastuaren ehuneko 50 lagunduko da diruz. Zenbateko hori diruz lagun daitezkeen gastuen arabera kalkulatu da, bat etorritik oinarri hauen laugarren atalean xedatutakoarekin.

Kirol elkarte edo klub bakoitzari gehienez ere 4.000,00 euroko dirulaguntza emango zaio.

9. Eskaerak aurkezteko modua, epea eta tokia.

Dirulaguntzen eskabideak eredu ofizialaren arabera egin behar dira (I. eranskina, www.legutio.eus web orrian eskuragarri), eta Legutioko Udalaren egoitza elektronikoan aurkeztu beharko dira (www.legutio.eus web orrian).

Eskaerak eta dokumentu osagarriak aurkezteko, 30 egun naturaleko epea izango da, deialdia ALHAOn argitaratu eta hurrengo egunetik aurrera.

Eskaera orrian edo harekin batera aurkeztu beharreko dokumentazioan akatsen bat badago edo agiri horiek osatu gabe badaude, hamar eguneko epea emango zaie interesdunei, errekerimendua jakinarazi eta hurrengo egunetik zenbatzen hasita, antzemandako akatsak zuzentzeko. Epe horren ondoren akatsak zuzendu ez badira, eskaeran atzera egin dutela ulertuko da, eta prozedura artxibatu egingo da.

Elkarte bakoitzak eskaera bakarra aurkeztu ahal izango du.

10. Eskabidea osatzeko dokumentazioa.

Eskabideekin batera agiri hauek aurkeztu beharko dira:

a) Erakundearen estatutuen fotokopia eta legea betez eratuta egotearen eta Eusko Jaurlaritzako Elkartea eta Erakundearen Erregistroan izena emanda egotearen ziurtagiria (baldin eta ez bada aurkeztu beste deialdi batzuetan).

b) Zerga betebeharren eta Gizarte Segurantzarekiko betebeharren ordainketa egunean edukitzearen ziurtagiria.

c) Jardueraren proiektua edo jardueren urteko programa; honako hauek adierazi behar dira, bereizita:

I. Lortu nahi diren helburuak.

II. Gauzatze egutegia.

III. Programaren edo jardueraren kostua.

IV. Deialdi honetatik kanpo kudeatuko diren baliabideak.

V. Jarduera bakoitzeko diru sarrerak.

VI. Bazkide bakoitzak ordaindu beharreko kuota.

VII. Taldekideen zerrenda, sexuka banatuta

d) Elkaratearen titulartasuneko kontua, banku erakundeak behar bezala egiaztatua

e) Legezko ordezkariaren erantzukizunpeko adierazpena, elkartea dirulaguntzak jasotzeko gaitasungabetua ez dagoela adierazten duena (II. eranskina, www.legutio.eus web orrian eskuragarri).

f) Erantzukizunpeko adierazpena, dirulaguntza eskaeraren xede den proiekturako beste erakunde publiko zein pribatu batzuek emandako edo erakunde horiei eskatutako dirulaguntza edo laguntzena (III. eranskina, www.legutio.eus web orrian eskuragarri).

g) Diru sarrera eta gastuen aurrekontu xehatua, 2022. urtean egingo den urteko programa edo kirol jarduerena (IV. eranskina, www.legutio.eus web orrian eskuragarri).

Erakunde onuradunek konpromisoa hartzen dute gauzatzen dituzten jarduerekin lotuta Legutioko Udalak eskatzen dizkien datuak eta dokumentazioa emateko.

11. Dirulaguntzak emateko prozedura izapidetzeko, proposamena egiteko eta ebazteko eskumena daukaten organoak.

Kirolen Informazio Batzordeak proposatuta, norgehiagoka bidez emango ditu dirulaguntzak alkateak, udalbatzak dagozkion oinarriak onetsi ondoren. Proposamen hori egiteko, batzordeak egokitzen jotzen duen aholkularitza teknikoa eskatu ahal izango du.

Informazio batzordeak ezin izango du inola ere proposatu oinarri arautzaileetan ezarritakoa betetzen ez duten dirulaguntzak ematea.

Zalantzarik izanez gero oinarri hauek interpretatzean, Legutioko Udaleko Kirol Batzordeak argituko ditu.

12. Ebazteko epea.

Prozedura ebazteko eta ebazpena jakinarazteko gehieneko epea sei hilabetekoa izango da, deialdia argitaratu eta hurrengo egunetik aurrera.

Gehieneko epea igaro bada eta interesdunei bidezko ebazpenaren berri eman ez bazaie, eskaera administrazio isiltasunez ezetsitzat joko da.

Ebazpenak administrazio bidea amaitzen du eta haren aurka interesdunek aukerako berraztertze errekurtsoa jarri ahalko diote Legutioko alkateari, hilabeteko epean, ebazpena ematen denetik aurrera; bestela, zuzenean aurkeztu ahalko dute administrazioarekiko auzi errekurtsoa, Gasteizko administrazioarekiko auzietarako epaitegian, bi hilabeteko epean. Horrek guztiak ez du eragozten interesdunak egoki deritzon beste edozein errekurtso ere aurkeztea.

13. Dirulaguntzak ordaintzea.

Elkarte edo klub bakoitzari dagozkion dirulaguntzak zehaztu eta gero, honako banaketa honen arabera ordainduko dira:

Aldez aurretik ordainduko da dirulaguntza, hau da, justifikazioa egin baino lehen. Diruz lagundutako kopuru osoaren ehuneko 75 programaren hasieran emango da, eta ez da zertan bermerik eman, jarduerak gizarte interesa baitaukate, baina, hala badagokio, ez betetzeagatiko erantzukizuna eta dirua itzultzea eskatuko da.

2022ko ekitaldian egindako jardueren memoria eta ordainketa ziurtagiriak aurkeztu ondoren gainerako ehuneko 25a ordainduko da.

14. Dirulaguntza justifikatzeko epea eta era.

2023ko urtarilaren 31n bukatuko den epean, dirulaguntzen kirol elkarte eta klub onuradunek honako agiri hauek aurkeztu beharko dituzte:

1. Diruz lagundutako gastuen justifikazio memoria, entitate onuradunaren ordezkariak sinatuta
2. Jatorrizko fakturak edo horien fotokopia konpultsatuak, zeinak argi identifikatuta egon behar baitute datu hauekin:

- Jaulkitzailea: izena edo sozietatearen izena eta NANA edo IFZ
- Hartzailea: izena edo sozietatearen izena eta NANA edo IFZ (ahal dela, elkartearen edo klubaren izenean)
- Gastuaren xedea
- Data
- Fakturaren zenbakia

3. Elkarte edo klubak izandako diru sarrera edo gastu guztien zerrenda

4. Zinpeko adierazpena, entitate onuradunaren ordezkariak sinatua, gastua finantzatu duten dirulaguntza edo diru sarrerei buruzkoa; horien zenbatekoa eta jatorria adierazi behar da.

5. Egindako publizitate materialaren ale bat (kartelak, eskuko programak...).

Fakturak ordaindu izana egiaztatze dokumentazioa. Honako hauek onartuko dira ordainagiri gisa:

— Enpresa jaulkitzailearen zigilua duten jatorrizko fakturak, faktura ordaindu dela zehazten dutenak.

— Bankuko jatorrizko ziurtagiria; bertan agertu behar dira, gutxienez, zenbatekoa, data eta ordainketaren edo transferentziaren onuraduna. Ziurtagiri hori izenpetuta aurkeztu behar da, edo bankuaren zigilua daukala.

— Jatorrizko fakturaren jaulkitzaileak sinatutako edo zigilatutako ziurtagiria; bertan agertu behar dira faktura zenbakia, zenbatekoa eta ordainketa data.

— Posta arruntez jasotako jatorrizko banku laburpenak.

— Kontu korronteen libreten kopia konpultsatua, dagozkion mugimenduak dituen.

— Emailez jasotako banku laburpen elektronikoak edo transferentzia agindu telematikoak.

— Jatorrizko erosketa agiriak, zenbatekoa ordaindu dela egiaztatzen dutenak.

Ez dira onartuko gastuen justifikazio gisa:

1. Datu hauek argi eta garbi jasotzen ez dituzten faktura edo ordainagiriak:

— Jaulkitzailea: izena edo sozietatearen izena eta NANA edo IFZ

— Hartzailea: izena edo sozietatearen izena eta NANA edo IFZ (ahal dela, elkartearen edo klubaren izenean)

— Gastuaren xedea

— Data

— Fakturaren zenbakia

2. Zerga araudia betetzen ez duten faktura eta ordainagiriak, PFEZaren (pertsona fisikoaren errentaren gaineko zerga) konturako atxikipenei dagokienez.

15. Dirulaguntza itzultzea.

Jasotako kopuruak itzuli egin beharko dira honako hauetakoren bat gertatuz gero:

— Aurkeztutako eskaerak edo agiriei gezurrezko datuak badituzte.

— Emandako dirulaguntza ez bada erabili aurkeztutako eta onartutako programan aurreikusten diren jardueretarako.

— Hasierako aurrekontuan aurreikusitako gastuak (zegokien ehuneko ekonomikoa aztertzeko erabilitakoak) ez badira modu egokian, 13. oinarriak ezarritako betekizunekin bat etorritik, justifikatu faktura eta ordainagiriekin. Gastuen zati bat bakarrik justifikatzen bada, justifikatu gabe geratu den zatia dagokion zenbatekoa itzuli beharko da.

— Jardueraren benetako kostua kontuan hartuta gehiegizko finantzaketa lortu bada; halakoetan sobera dagoen diru kopurua itzuli beharko da.

— Gainfinantzaketarik badago, beste erakunde publiko edo pribatu batzuek dirulaguntzak edo laguntzak eman dituztelako. Halakoetan, onuradunak Legutioko Udalak emandako zenbatekoa itzuli beharko du, proiektuaren edo jardueraren kostuaren ehuneko 100 gainditu ez dadin; adibidez, oinarri hauetako 15. eta 16. puntuetan jasotakoa.

— Oro har, oinarri hauetan, aplikatu beharreko araudian edo dirulaguntza ematen duen erabakian ezarritako betebeharretako edozein bete ez bada.

— Dirulaguntzei buruzko 38/2003 Lege Orokorraren 37. artikulua jasotzen dituen gainerako itzultze arrazoietatik edozein gertatuz gero.

Dirua itzultzeko prozedura Dirulaguntzei buruzko 38/2003 Lege Orokorrean xedatutakoaren arabera izapidetuko da, eta alkatearen, dirulaguntzak ematen dituen organoaren edo hark eskuordetzen duen organoaren dekretuaren bidez ebatziko da, eta entzunaldi izapidea egin beharko da beti.

Itzulketa horretarako ezarritako epean egiten ez bada, dagozkion berandutze interesak eskatuko dira, dirulaguntza ordaindu zenetik itzulketa bidezkoa dela erabaki arteko interesak, alegia.

Itzuli beharreko kopuruak emandako dirulaguntzaren zenbatekoaren ehuneko 20 gaindizten badu, 2023ko ekitaldian emango diren dirulaguntzetan egokituko litzaiokeen dirulaguntza osoaren ehuneko 20ko zigorra aplikatuko da.

16. Lankidetzak.

Legutioko Udalak, kirol hedapenerako antolatutako kanpainak gauzatzeko egoki irizten dion kasuetan, elkarte edo klub onuradunek zer laguntza eman behar duten erabakiko du, urtean zehar eta dirulaguntzaren zenbatekoaren arabera.

Erakunde onuradunak berak udalerrian egiten den kirol eta kultura jarduera bat gutxienez antolatzeko edo bertan lankidetzak emateko baldintzaren pean emango da dirulaguntza.

17. Betebeharrak.

Udalaren oniritzia jaso aurretik, udalaren armarrira jarri beharko da elkarte edo klubek egindako material guztietan (kartelak, kamisetak, etab.), gastu modura sartuta badaude dirulaguntza eskatzean aurkeztutako aurrekontuan edo osorik udalak finantzatuak badira.

18. Dirulaguntzak emateko inguruabarrak aldatzea.

Dirulaguntza emateko kontuan hartutako baldintzetan egindako funtsezko edozein aldaketak ebazpena aldatzea ekar dezake.

19. Arau haustea eta zehapenak.

Dirulaguntzen arloko arau hauste eta zehapenei dagokienez, osorik aplikatuko dira Dirulaguntzei buruzko 38/2003 Lege Orokorraren IV. tituluan jasoriko arauak eta lege horren araudia onetsi zuen 887/2006 Errege Dekretuaren IV. titulua.

20. Araudi aplikagarria.

Oinarri arau hauetan xedatuta ez dagoen guztian, honako hauetan xedatutakoa aplikatuko da: Dirulaguntzei buruzko 38/2003 Lege Orokorra, azaroaren 17ko 38/2003 Legearen araudia onesten duen uztailaren 21eko 887/2006 Errege Dekretua, eta Legutioko Udalaren dirulaguntzak eta laguntzak arautzen dituen ordenantza, 2005eko martxoaren 21eko ALHAOn argitaratua.